


卷一



書名 譚襄敏公遺集三卷首一卷末一卷 嘉
 靖二十四年序刊與譚襄敏公奏議合印
 本
 撰者 明 譚綸 撰
 卷 卷一
 內容分類 集-別集-明中葉
 索書號 大木-總類-奏議-別集-20
 編號 D7450200

[彩色首頁1](#)

[東洋文化研究所漢籍目錄 編號: D7450200](#)

[東洋文化研究所漢籍目錄所藏漢籍善本全文影像資料庫 索書號: 大木-總類-奏議-別集-20](#)

[漢籍善本全文影像資料庫文本 譚襄敏公遺集三卷首一卷末一卷 嘉靖二十四年序刊與譚襄敏公奏議合印本](#)

[版權所有: 東京大學 東洋文化研究所 使用上的注意事項](#)

譚襄敏公奏議卷之一

知宜黃縣事後學武原顧所有纂修



恭謝

天恩疏

嘉靖四十二年二月望日題

前任浙江布政使司右叅政兼按察司副使

勅 嘉靖四十年三月十九日以父憂離任本年

簡因廣寇流突江西伏蒙

卓復臣原職事寧伏蒙

譚襄敏公奏議

卷之一

譚襄敏公讚

聖代龍升雲襄霧贊惟嶽降神挺國之幹濬哲淳淵
 英規逼漢飛燕項領伏犀領貫黃石呈書青箱投算
 嵩高應王太山紆灌九 窺疆突巢煦爨垂幄運籌
 提戈淨亂丹檄投鋒青止釋惋氛消宇澄河清海晏
 銅柱題銘璧輪銓翰審象惟劍含毫申讚日月名高
 千年璀璨
 後學武原顧所有頓首書

譚襄敏公奏議卷之一



知宜黃縣事後學武原顧所有纂修

恭謝

天恩疏

嘉靖四十二年二月望日題

臣前任浙江布政使司右叅政兼按察司副使
 奉

勅巡海嘉靖四十年三月十九日以父憂離任本年

九月間因廣寇流突江西伏蒙

皇上以金革復臣原職事寧伏蒙



皇上許臣終制四十二年正月間閩倭猖獗兵部又題奉

欽依復臣原職時臣讀禮甫及大祥伏惟

大君制命時事孔棘臣子之私其何敢卹臣隨於三

月初一日割情就道催取漶兵至本月二十八

日進至建陽縣蒙

聖恩陞臣都察院右僉都御史提督軍務兼巡撫福

建臣領咨望

闕叩頭謝

恩訖臣念閩海之寇盤據已久徵兵方至易將臨敵

誠恐交代之間人心弛懈因致誤事臣卽破除

常格凡事關戰守未代之先一面施行尋於四

月十一日入省准前任巡撫游震得將關防

符驗

旗牌并文卷與臣交代領事外臣惟兵戎爲

國之大事巡撫乃今之重臣必遴選之極精始付

托之有效竊念臣以一介微賤濫厠班行才本

不逮於中人學實未通乎軍旅始由郎署而出

守徒負

恩私繼秉憲節以臨戎深慚尸素忽冒知兵之譽祇緣任事之愚兩被

命而墨纒已非所據薦承

恩而秉鉞孰謂其宜且八閩之受倭今幾十載而易巡撫者四姓會未有終彼皆抱竒傑之才尙無救地方之患如臣非劣抑又何勝聞

命自天措躬無地欲感

恩而圖奮實有志而未能惟無改其實心或粗得乎

勝算更假之以時日誓竭愚忠不與賊共戴于以開八閩之太平紓

九重之南顧臣之願也亦臣之分也臣下情無任感激屏營之至

乞

恩終制疏

澗江等處承宣布政使司右叅政兼按察司副

使譚綸

奏爲江西地方流賊已靖仰遵

成命懇乞

天恩放回終制以廣

聖孝事竊念臣以一介草茅叨逢

盛世仕幾廿年官階三品揣分弗堪圖報靡及不

幸喪父苦居甫及兩月卽遭流寇之來毀形扶
襯竄伏林莽艱難備歷有死無生伏蒙

皇上憫念元元橫被鋒鏑

屢下哀痛之詔亟興問罪之師江西臣庶皆焚
香籲

天祝願

皇上萬壽無疆願臣不自意驚下得以墨縑備數金

草聞

命兢惕措躬無所會時事戒嚴

天威霆震臣鳥鳥躑躅之私未敢

上請而犬馬奔走之力因效前驅今幸

皇上玄威廣運

廟算萬全渠寇授首三省底寧老終少長咸無失
所之嗟孝子慈孫盡遂人倫之願獨臣三年有
其懷之愛旣與人同而一日愈於已之心未獲
自盡誠宇宙內之罪人爲

聖明朝之棄物恭蒙

明旨准臣以暫起復及奉

欽依許臣以事寧守制

天語昭如日星

君恩侔於

天地臣雖粉骨碎身無以爲報伏望

皇上念臣哀苦惻怛之情恤臣無所解於其心之私
勅下該部仰遵

成命放臣回籍守制待制終之日遵例聽用則臣自
此有生之年皆是效忠之日臣下情無任殞越
懇切之至

水陸官兵剿殺新舊倭寇捷音疏三月十九日題

嘉靖四十二年三月十八日倭賊進至建陽巡

按福建監察御史李邦珍趣臣督戰臣啟行間

據兵備副使汪道昆呈稱奉文會同副總兵官

戚繼光選募瀾兵於本年三月十七日入境行

至浦城據報新倭四百餘徒自長樂縣地方登

岸劄營小址窺伺省城本道先發前部六營把

總胡守仁褚應宿率兵兼程赴

省賊聞兵至隨奔福清縣岱后地方總兵官劉

顯俞大猷各發官兵分伏要路截擊四月初十日提督軍門右僉都御史游震得親督胡守仁等三營勁兵徑趨福清縣追剿賊聞大兵壓境夤夜潛出江口逃遯本月十五日總兵官劉顯會同俞大猷各發把總郭成與領江西援兵把總樂墳及領兵名色把總包堂郭文劉添慶劉添榮劉招桂龔仁朱相指揮魏宗瀚等率兵分伏要路本日卯時官兵齊出奮擊俘斬首級一百四十五顆生擒一十六名奪回被擄男婦數

百又准總兵官俞大猷報稱本鎮一面督發中軍指揮魏宗瀚統兵合剿一面督令名色把總朱相帶兵前往可通平海要路開溝斷橋以截去路仍令各兵埋伏俟賊渡水邀擊至日卯時前賊果突大營劉兵放銃爲號伏兵四起劉兵從左衝擊我兵從右夾攻賊衆大敗我兵乘勝衝殺追至開溝處所朱相伏兵齊起賊無去路擒斬過半餘黨勢窮奔投入海不能取級我兵全勝各收回營本鎮部下名色把總俞義重俞

義安等官兵共斬獲首級四十一顆四月十九日准總兵劉顯開稱本月十八日把總許朝光稱平海倭賊知新賊殺盡卽驚慌下船欲走因光防範嚴謹不敢開行至十六日夜颶風大作光將哨船駕至南向避風大船摘畱平海繫泊賊欺船少乘風搖駕大小船共三十二隻一齊開洋光卽棄艇急追連掣賊船四隻亂放發煩火器銃沉二隻焚燒三隻賊見勢蹙將財帛婦女拋棄入水投奔老岸此因昏夜不能盡殺止斬獲真倭四十九顆奪回被擄男女一百三十名口兵夫陣亡五人被傷一十一人餘倭復回舊巢見在督兵圍剿除首級人口解發紀驗外具報到臣爲照福建地方被倭荼毒年甚一年民旣凋殘兵糧俱困每遇賊至無所措手以致延蔓日深蕩平無計茲蒙

皇上憫念元元俯從諸臣所

請遣將徵兵薦出

內帑濟給糧餉用是軍聲稍振賊勢消沮在陸則

新來之寇悉已授首在水則舟遯之賊尋報成擒是皆仰仗

皇上玄威遠鎮

廟算萬全將士用命所致也

飛報異常捷音疏 四月二十二日題

嘉靖四十二年四月二十一日臣督兵駐總兵俞大猷營內據整飭福州兵備按察司副使汪道昆報稱四月初八等日督募淞兵入省監督總兵劉顯俞大猷副總兵戚繼光三大營官兵尅期進剿原襲破興化府城大勢倭寇本月十九日兵至興化地方探得前賊移據平海衛總兵官劉顯俞大猷分屯渚林養威蓄銳以圖大舉令義士許朝光劉文敬各督舟師邀諸海上

賊坐是因窮探知戚副總兵同本道統督大兵入境遂拔營前至酒林迤南據險結巢犄角迎敵二十日蒙本院督同本道與興泉兵備叅議萬民英布政司戴罪殺賊左叅政翁時器親至渚林會集三大營官兵面議機宜分定哨道以副總兵戚繼光統督把總胡守仁等部下官兵爲中哨衝鋒以總兵都督劉顯統督把總郭成等部下兵爲左哨而以江西巡撫都御史胡松所遣領援兵把總樂墳與前福建軍門都御史游震得所發標兵把總陳倉等兵佐之以總兵都督俞大猷統督南贛軍門都御史陸穩調發指揮魏宗瀚名色把總朱相等部下兵爲右哨而以淞江巡撫都御史趙炳然所遣領援兵把總楊文與本院發與叅政翁時器監督領標兵把總陳其可蔣伯清傅應嘉部下等兵佐之仍懸賞衝鋒銀二萬兩以鼓作士氣定以二十一日各照分定哨道刻期進攻軍門各道隨軍監督本日丑時中哨官兵仍分三路魚貫而進直

薄賊巢賊亦分道擁出拒敵賊首躍馬當先我兵勇氣益倍三哨官兵一時並進賊勢不支奔邈回巢各兵乘勝攻打益急賊復併人大巢死守各兵四面圍合因風縱火血戰破巢賊衆敗匿房中或焚死或刃傷自相枕籍積尸充雷難以數計間以迤避山海我兵隨處奮擊隳崖蹈海死者數亦難計止據在陣敵殺生擒真倭首功二千二百餘名顆器械稱是奪回被擄男婦三千餘人衛所印信一十五顆卽今福州以南郡縣並無一賊臣惟蠢爾倭奴突如內犯襲我郡衛辱我冠裳虐劉我人民占據我城池流毒已經數月被害奚啻一方今乃仰仗

皇上玄威廣運

廟謨審固文武同心將士用命遂使莫敢誰何之寇不崇朝而授首旣陷被據之城以一鼓而克復全閩按堵萬姓歡騰捷書露布皆稽首籲

天祝願

皇上萬壽無疆臣待罪督撫仰念

聖明萬里南顧臣寢食靡寧今幸有此非常之捷除
有功効勞人員另行查敘外恭先馳報上慰

聖懷

飛報捷音疏 五月初十日題

嘉靖四十二年四月二十四日臣在平海渚林
班師據福清縣報二十三日清晨有賊船三隻
約賊二百餘徒在神前澳登岸臣卽遣標下名
色把總蔣伯清楊文統領所部泐兵自平海進
至蒜嶺驛地方伏截仍委兵備副使汪道昆戴
罪殺賊叅政翁時噐監督次日前賊果由彼路
而來伏兵四起前後夾擊賊眾奪氣我兵鏖戰
益力斬獲真級七十八顆被擄男婦當從寬貸

令地方領回二十七日又報倭賊五百餘徒突
至北嶺逼近省城左布政使曾于拱按察使萬
衣督遣漕兵胡世等五百名前去截殺斬獲首
級二十顆餘賊星夜退遯連江地方去訖未敢
近薄省城皆胡世一戰之功五月初三日據福
州兵備道副使汪道昆呈稱二十六夜賊聞平
海倭賊剿滅不候風潮潛自開遯水寨官兵船
瞭見舉火爲號二枝齊起四更時分追至東湧
外洋捕盜黃怡等四船首挫賊鋒衝沈倭船四
隻生擒真倭二十七名斬獲首級二十顆奪獲
被擄人口一十名遇夜昏黑浪湧溺死不計難
盡取級又據鎮東衛指揮同知趙國柱報稱本
灣探有倭船九隻拋泊外洋國柱率捕盜兵船
及萬安所千戶夏雋等船於四月二十六日前
去草嶼洋中奮勇夾攻衝沉倭船四隻賊各潰
敗趙國柱捕兵生擒真倭一十五名斬獲倭首
一十二顆千戶夏雋兵生擒真倭五名斬獲首
級二顆千戶許勳親斬倭首級一顆家丁許四

等生擒真倭二名千戶張淮親擒生倭一名部
兵張漢等生擒真倭三名斬獲首級一顆其餘
賊船五隻篷舵櫓旋俱已衝壞雖脫遯遠洋勢
必沉沒等因五月五日又據該道呈稱本道自
平海大捷班師復蒙本院委督副總兵戚繼光
部兵進剿連江等處倭寇五月二日到連江先
差哨官王寧帶兵潘大德等哨至湯嶺遇有倭
賊二名在彼窺探大兵消息王寧等併力斬之
又探得倭賊四百餘徒屯住馬鼻地方把總傅
應嘉帶藤牌手及戚副總兵烏銃手從五虎門
先出把截本道會同戚繼光於初三日先發名
色把總王如龍等兵三營直趨羅源防遏北遯
仍親督把總胡守仁等三營爲奇兵由左路緣
山而進以陳祿等三營爲正兵由右路衝鋒而
進賊出奮力死戰我兵左右夾擊血戰移時擒
斬真倭一百五十七名顆奪回被擄幼男二十
三名巢穴船隻俱各焚燬餘賊計蹙遯大海塗
溺死無數訪得前賊原係攻破壽寧政和一起

欲往平海合夥聞被蕩平退回馬鼻今蒙本院
方畧一鼓剿滅該縣地方已平初七日據興化
府申報莆田縣海邊有殺散零倭逃遁隨該生
員蔡致醇等會集四鄉兵沿山搜捕斬獲真倭
首級九顆從賊首級一顆初九日據該府報稱
莆田縣禮泉里地方伏有殺敗零賊該生員鄭
瑄倡集鄉眾鄭國寶等敵斬真倭首級五顆鄉
夫李思敬等斬獲首級二顆仙遊縣鄉兵程奇
烈等斬獲倭首一顆擒獲從賊一名本日又據

福清縣申稱指揮趙國柱督率捕盜兵船前至
後營海洋遇有賊船四隻即乘順風敵衝賊船
三隻沉沒百有餘倭一隻脫走外洋生擒真倭
二名從賊一名斬獲首級三顆奪回被擄男子
二名本縣又差民兵紀憲林文昌等在於新塘
地方擒獲散遯零倭一人斬取首級二顆各呈
報到臣除解到首功俱發委官運同劉汝順紀
驗生倭取赴軍門梟示被擄人口放回訖其有
功有勞人員查明之日另行具

題外爲照各該官兵自平海大捷以來勇氣百倍
至於舟師最爲廢弛亦各感奮共興敵愾之心
以是而福清之神前澳懷安之北嶺連江之馬
鼻與東湧草嶼後營等洋莆田靈川里等處各
新舊倭賊不旬日間次第報平水陸擒斬通共
三百七十餘級遠近歡騰地方寧謐是皆仰仗
皇上玄威震疊

廟堂勝算所致其福寧沙理等處小醜見係閩浙夾
攻成功計在呼吸間矣

倭寇暫寧條陳善後事宜以圖治安疏五月二日題
臣會同總督廣閩都御史張臬巡按福建監察
御史李邦珍議照修政貴於及時有備所以無
患福建地方邇自乙卯以來倭寇紛紜廣賊並
出因之民窮盜起內外騷然馴至興化之事而
顛危極矣茲者仰仗

聖皇神武赫然一怒次第蕩平八閩之間遂獲寧宇
十年之內僅見一時若不乘此戰勝之暇亟爲
善後之圖誠恐寇情叵測事變靡常必待患至

而始爲之備則後之視今亦猶今之視昔掣肘多艱噬臍無及臣等用是大懼莫敢寧處謹稽諸

舊典酌之時宜質諸輿論之公叅以一得之見條列十有二事上塵

聖覽實思患預防之愚忠爲久安長治之至計伏乞勅下該部再加查議請自

宸斷速賜允行則地方幸甚臣愚幸甚

一曰議復寨以扼外洋

照得八閩之地西北阻山東南濱海海中諸國獨日本最爲狡獪藉我姦民乘間內侵不但此時爲然蓋自洪武迄今皆嘗受其患查自福寧南下以達漳泉置衛凡十一置所凡十四置巡司凡四十有五以控之於陸又置水寨以防之於海初惟烽火門南日山浯嶼三寨耳景泰年間增而爲五時則戰艦如雲旌旗相望且哨守皆衛所之軍有司無供億之費外威內固有自

來矣法以人玩武備漸弛倭患突登

舊制盡失爲今之計亟宜查復五水寨之舊每寨設兵船四十隻兵萬三千名五寨通計用船二百隻用兵六萬五千名以五把總領之定爲五大鯨內以舊設烽火門南日山浯嶼三鯨爲正兵增設銅山小埕二鯨爲遊兵而又爲之分信地明斥堠嚴會哨賊寡則各自爲戰賊衆則合力併攻以扼外洋擊來賊爲功第一擊去賊次之失賊弗擊



與致賊登岸者查照信地論罪五寨兵船俱屬總兵官統督監軍道監督未汛之先總會南臺聽統督整擗訓練汛期將及分發哨守汛畢復總會南臺殿最功罪而賞罰之仍整擗訓練以備來汛如此則總覈有經聲勢亦重虛僞盡革實効可臻但立法雖詳振舉在將閩中武弁得人甚艱見今各寨把總僅惟原任守備秦經國尙堪鞭策外他皆用之倉卒之餘率乏勇敢之

氣臣等查得見奉

欽依陞二級泉州納級副千戶傅應嘉泉州衛指揮
魏宗瀚百戶鄧銓浙江松門衛千戶羅繼
祖皆熟諳海務屢立戰功及照浙江定海
等關把總皆奉

欽依以都指揮體統行事閩浙海防責任惟均合無
比照浙江事體請乞

勅下該部查將傅應嘉魏宗瀚等銓補前職但五寨
之中又有緩急而五臣才力亦有大小臣

等劑量相宜小埕為省會門戶宜用傅應
嘉蓋本官竒才傑抱將畧尤優一時武弁
無出其右次則烽火門宜用魏宗瀚次則
銅山宜用鄧銓次則浯嶼宜用秦國經次
則南日宜用羅繼祖斯則因地用人乃無
不勝之患伏乞

聖裁

二曰議處兵將以責實効

臣等查得前福建巡撫都御史劉燾分為

南北中三路請設三叅將領之軍門標下
另設遊擊一員各陳陸兵三千名其經畫
亦云備矣但叅遊旣難於得人而尾大每
至於不掉數年之間未覩成效職此故也
臣惟知兵之將世不多有治標之事難執
一方亦惟隨時措置有益成事而已今照
分守溫處福興副總兵官戚繼光忠誠懋
著文武兼資貌雖不踰中人才則可將十
萬南北將官號爲節制之師而收堂堂正
正之效者誠未見其比也第其秩雖都督
官纔副總殊未足以展其千里之才而慰
八閩之望臣等謂宜

請乞以戚繼光充總兵官鎮守福興漳泉延建邵武
福寧金溫九郡一州其三路叅將悉改爲
守備所轄信地俱仍舊章且宜卽以戚繼
光部下偏裨曉暢兵事屢立戰功者充補
其任則在平時旣兵知將意將識士情而
於臨事如身之使臂臂之使指無不如意

誠爲計之得者今該臣等查得戚繼光營內見充軍門標下把總納級指揮胡守仁其才則堪中路守備見在領兵納級指揮王如龍其才則堪北路守備但南路守備尙難得人臣等又查得福建都司署都指揮僉事耿宗元精敏向進合無請乞

勅下兵部查將胡守仁王如龍推中北二路耿宗元以原職帶管南路各守備職任行令查照原分信地各帶所部兵夫住劄防禦三路

五寨水陸兵將俱屬總兵官統督監軍道

監督容臣等查處堪動官銀於閩縣南臺

地方開設鎮守教場及監督公署在彼聽

其公同調集合營訓練風汛之月乃分布


四出聽各住劄該道分投監督水陸防守

蓋無事而合營團操則號令出於一人而

兵有實用臨汛而畫地分守則水陸備於

多算而事有成功誠又計之得者但本鎮

以一人之身轄全閩之廣馭二三萬之衆



若非分任得人焉能巨細畢舉仍應照例
添設坐營都司一員專司調度中軍把總
二員職掌旗鼓統領標兵其人則查有見
任北路守備羅章堪備坐營之任戚繼光
部下納級指揮陳濠金科堪備把總之任
就而用之庶幾上下相信任使有人而軍
務爲可舉矣再照原議遊擊領兵一枝專
任軍門標下以備往來策應見在遊擊員
缺查有江西南湖守備李超堪以銓補伏

乞

聖裁

三曰議處客兵以備常戍

照得金台之兵臣與戚繼光居浙頗久勞
心訓練故長於陸戰漳泉福清之間人以
下海爲業故長於水戰今淞江不能不用
閩兵以備之於水亦猶福建一時不能不
用淞兵以防之於陸蓋其長技有如南舟
北馬旣不可以強而同而其應募亦如遊

藝行商實不可以禁而止是固無容別議
外但越省從征勢難久駐而萬衆聚食坐
費餉金臣等因行副總兵官戚繼光監軍
副使汪道昆將前客兵從公詢審願去願
畱分爲上下二班每班務足九千名上班
自今七月初一日爲始分布教訓以防小
汎至十月無警放班下班亦自七月初一
日爲始差官押送回籍至十月初旬聽各
把總統領上班以防春汎汎畢仍於六月
終放還又以前班兵夫限七月初旬上班
以防秋汎年年如此歲歲更番務以三年
爲率不許別有變更但出應募每不爲本
處有司所喜值其放班因肆凌虐情亦有
之故兵將往往以此爲慮伏乞




天語叮嚀溯江巡撫右侍郎趙炳然通行該管道分
及府縣官員務要一體存恤毋得自分彼
此因其應募輒事誅求致開他釁內有把
總等官變亂行伍違誤戍期及赴他處投

用者聽臣等從重叅究拏治如此則陸戰有人閩事自定而漕之列郡與閩境土相接者亦無唇亡齒寒之患矣伏乞

聖裁

四曰團練主兵以固根本

臣惟先年編僉民壯大縣多至五六百名中縣三四百名小縣亦不下百五十二百名每名歲定工食銀七兩二錢近年東南皆給帖聽募人自取蓋有倍收至十一二



兩者兵有定數糧有定額所以揀官軍之敝得寓兵於農之意比者屢該言官建議詔下有司團練鄉兵法莫有便於民壯者乃沿習日久本意寢失以有用之錢糧養無籍之棍徒無益實用臣等謂宜將各縣額設民壯責之駐劄守巡兵備該道督責知府知縣巡捕等官通行查出汰其老弱與市井棍徒補以精悍丁壯給以堅甲利兵編成隊伍分爲班次一班屬之知縣就便訓練在

縣防守一班屬之巡捕官領赴本府團操
每季更番稍均勞逸每府聽臣坐委知兵
武職一員假以把總名色爲之統督知府
爲之監督公同訓練駐劄該道以時閱視
別其勤怠精否而賞罰之務使人人善戰
縣縣皆精該道該府該縣等官乃爲稱職
否則他事雖賢亦以曠官論罪入府一州
計可得兵萬二千人小警則各自爲戰大
警則互相應援如此則糧餉不增戰守有
備行之三年卽入閩之內可轉弱爲強而
議罷客兵矣伏乞

聖裁

五曰議處憲臣以重監督

凡用兵既有大將爲之統督又必用憲臣
爲之監督蓋訓練士馬臨陣決戰身先士
卒則統督之事也稽察姦弊課殿功罪處
置錢糧則監督之事也除水陸守備把總
分駐信地料敵出戰則聽臣行駐劄該道

分投監督外至於合營團操與大兵進剿
大將臨戎必同心文官一員與之終始其
事臣等查得兵備副使汪道昆忠存許

國才足投艱素與副總兵官戚繼光雅志匡時協
誠任事故去春今夏屢建奇勲武畧文謨
並輝窮海今戚繼光既欲其總鎮八閩而
汪道昆則伏蒙

欽陞二級萬一推遷別省不免有拂羣情伏望
聖明軫念遐方剛生神氣

勅下該部將汪道昆遵照

成命陞授福建按察司按察使協堂請 關防

勅書監督全省水陸軍事務與戚繼光同心一德共
濟時艱俟其年勞茂著績用有成超格擢
用伏乞

聖裁

六曰薦舉賢能以備任使

伏惟爲政在於得人而見賢乃可授任方

今

聖皇壽考以道化成多士濟濟隨試輒效固不必爲官而擇人也但人之才器各有不同而時屬艱危亦宜厯試照得福建海道之官最爲重任人所畏爲而延建二府素稱善地比以山海之寇屢賜傷殘鄉無完宇民樂從盜撫摩安輯尤貴得人知府周賢宣年踰一考海道副使邵梗則任滿六年誠恐一旦轉遷別行推補卽係賢能克堪重任而於海防事體境內民情豈能一一熟悉

今該臣等查得分守建寧叅議金澗分巡興泉叅議萬民英鹽運司同知劉汝順漳州府同知劉宗寅皆夙抱忠猷才誠茂著素閑軍旅人望共推且居閩旣从民情地利無不周知如蒙伏乞

勅下該部再加查訪如果臣言不謬遇有前項員缺卽將金澗等推補則任使得人而於殘破地方真有賴矣伏乞

聖裁

七日議處有司以圖治理

臣惟安內攘外必先有司蓋其於民最親而民之繫望最切如使拊循無術防禦失宜民禍滋矣近該言官建議吏部題奉

欽依通行撫按衙門將各該地方凡才力不及并貪污不職官員體訪既真不時叅論蓋誠有見乎此閩中戎事日棘吏治日非徒以糾察未遑懲創弗及方今外患始息內治當修有司官員亟宜議處除循良著聞俟其

成績地方簡僻許其自新不及濫及外該臣等查訪得某官利政教之錄以沽名假醜遺之儀以射利才足濟貪政多播惡某官性資庸劣志氣畢汚當民窮財盡之際惟峻法而取盈適力詘舉羸之秋獨興工以求悅政聲湮沒物議沸騰此二臣者貪污不職所當亟爲罷斥者也某年力龍鍾才猷駑鈍充耳無聞回命猶煩介紹措身無地跬步必假人扶精已消忘職業曠廢

此一臣者年老有疾所當准令休致者也
某官外若可觀中無所取買辦軍需百求
而百不給講求民瘼十問而十不知政已
下移志非尙往此一臣者才力不及所當
改調閑散者也以上地方或爲省會門戶
而當倭賊之衝或在山谷隩區而爲寇盜
之藪安民彌盜必得其人乞

勅該部再加查訪如果臣言不謬將某等罷斥其官
改調別選進士有才力者以補其任庶幾
因地擇材因才授事官守得職而民生有
依矣伏乞

聖裁

八曰申明職守以振頹惰

臣惟以民養軍以軍衛民三代以來未之
或改

國初沿海地方衛所相望行伍充盈一切軍需莫
非民力故出海有軍烽埃有望隘塞有把
城池有備凡以下捍民患上酬

國恩由彼視之固皆分內事也比來法令廢弛行伍空虛各該衛所官軍大都桀驁不馴頑鈍無耻驅之戎行則恍然自失責之城守則恬若罔聞於是乃復以供賦之民受登陴之役事之倒置未有甚於此者夫彼以積弱自名難於不教而戰水陸之防固無望矣至若撻城自守力猶可爲顧又所養非所用所用非所養則又焉用養彼爲哉查得見行條例凡沿海及腹裏府州縣與衛所同住一城及衛所自住一城若遇大虞攻圍不能固守衛所掌印官與專一捕盜官俱比照守邊將帥失陷城寨者律斬其府州縣掌印官及捕盜官與衛所同住一城者不能竭力協守俱起送吏部降一級別用是則典守之責既有等差而失陷之罰亦有輕重臣請申明前例分別職守如鎮海等衛安海等所官軍自住一城並無居民相錯者責之掌印捕盜官編定精



壯食糧官軍署名防守如或老弱卽爲汰
革另選餘丁精壯者補之其不食糧軍餘
舍餘既有身家亦要一體編派協助其餘
與府州縣同住一城亦照此例編定如或
城垣寬袤戍守不敷先儘官軍而後以機
兵及居民補其不足假令失事悉照前例
分別論罪設若賊勢重大攻圍緊急許赴
附近守備官處請發援兵援兵聞報必須
整搦器械關支行糧沿途探哨相機嚮往
大約離程三日者卽限以十日爲期如過
期而援兵不至因而失陷者領兵官照律
擬罪若倭賊始登攻圍未久援兵已發程
期未滿及爲賊所襲原非攻破者俱止罪
坐本衛所官員如此則事有責成人無規
避敵愾之勇可作偷惰之弊可祛而無復
覆轍之足虞矣伏乞

聖裁

九日請乞錢糧以救危急

臣自受任以來歷稽往牒福建用兵之始
歲費六十餘萬其後巡撫劉燾當詘乏之
時爲撙節之議盡罷兵食祇增軍糧大約
一歲計之猶至二十八萬然而武備俱廢
寇患益深而閩遂不支矣及巡撫游震得
繼任之後更議調募稍爲調停雖費出有
經亦不下四十二萬願牘中

奏畱僅存虛數而民間窮困無救供需其後失事
日殷調兵日至使非

聖明大破常格特發帑銀與取回浙直原借去銀兩
閩事去矣臣始入境則各部調募官兵已
近三萬而各營斬獲功級不啻三千五百
有奇解到帑銀近俱用盡卽有未到之數
內又除去三萬兩在作興化修賑等用外
以臣等計之僅存一十萬兩以供來歲之
需近該臣等部署水陸分布官兵共計用
兵二萬三千歲用工食銀二十八萬加以
修船給械懸賞衝鋒通計一歲非三十二

萬不可視前巡撫劉燾所議之數止加四萬亦期以實心行之或可濟事卽今汛期相仍歲事孔棘萬一兵食不繼士氣不張不惟盡棄前功抑恐仍蹈故轍卽臣以身殉國固所甘心

國事謂何伏乞

皇上留神於

廟算垂成之功終惠於海隅更生之會

勅下該部查照浙直江西先年用兵事例就近請發

兩淮鹽課銀十二萬兩兩浙鹽課銀四萬

兩兩廣椒木銀四萬兩責限解發前來聽

臣樽節用度散訖繳報庶足以濟部中待

哺之急免日後噬臍之憂伏乞

聖裁

十日請緩征科以恤凋殘

臣惟貢賦惟正之供催科有司之職市恩

曠職謂之不臣孰謂不臣而可爲也近因

各省拖欠

內庫折銀節該戶部題

請通行撫按督催按季開報臣雖驚下固知

內庫爲不可缺

上用爲不可稽

欽限爲不可違部議爲不可格也近該臣督兵剿賊

親歷福興延建汀邵之間聚落成墟污菜

蔽日民間危急愁苦之狀殆周人所不能

喻鄭俠所不能圖矣以此而責有司招揀

之撫字之猶懼不蕩將復使之集流亡督

逋負誠不忍出諸口也邇蒙

皇上恩覃溝壑化被海濱

大施曠蕩之仁屢下蠲免之令民間父老猶幸得及

於寬政庶幾可保其餘年使臣不能宣布

德意而一切督責有司彼必以應文逃責之心而爲

遠禍全身之計有司讐民民讐有司或以

筆楚離心或以耨鋤起釁縱能頭會箕歛

而得不償失將焉用之查得先任詔安縣

知縣龔有成龍巖縣知縣湯相俱各心勞

撫字政拙催科部議以完糧不及分數照例移官一時有司翻然改慮後該巡撫陸穩奏調龔有成巡撫游震得奏保湯相於是始知

朝廷不輕絕之仁無求備之議莫不感激思奮精白承休是則部議之殿最吏治視之以爲汚隆吏治之汚隆民生視之以爲休戚者也如蒙乞

勅該部憫念流離稍從寬假福建一省卽七分不完姑免降級四季未報無論稽程庶遺民得以休息而更生下吏得以紓徐而從事地方幸甚臣愚幸甚伏乞

聖裁

十一日乞蠲租稅以復流移

臣所謂緩征者謂全省之民也至若興化之莆田平海福寧之寧德建寧之壽寧政和泉州之晉江永寧漳州之玄鍾南靖生理以絕喘息未甦以此而視全省之民又

不可以同日語矣先是興化克復該巡按御史李邦珍發銀六千兩興復水利賑濟流離近報平海蕩平又該御史林潤請銀三萬兩爲之修城築堰賑貧助耕凡所以爲斯民居養計者至深切也顧自府縣官到任以來日以招集爲事近欲清查戶口歸併都圖乃拊循之急務而民怨征徭之將至又皆轉而之他即使有地可耕有城可守民多疑畏相率流移紛紛未已及查寧德之民以報賊平不願歸復政和壽寧之民猶懷亂畧不樂寧居大率民困則易離民勞則易動事所必至理固然也竊計地方殘破莆田平海爲甚寧德壽寧政和次之晉江永寧玄鍾南靖又次之使非廣布之以寬貸之恩明示之以招徠之信即使龔黃爲治民弗能依伏乞免其征科與之更始甚者三年而後納稅次則二年又次則一年使之甦息有期歸復可待庶幾

漸遂有生之樂益彰無外之仁但照邇年部議蠲免猶征起運僅免存留是可以少紓乎災傷之民而不可以槩施於殘破之地何則水旱之災不常有而豐克之歲恒相乘即使年穀不登而舊積可資豐年可望於是持其緩急爲之調停卽寬一分民已受賜一分矣乃今故貲蕩廢已往旣無所憑生業淪亡將來又無所賴故雖用其一而緩其二彼惟知有怨而不知有恩誠能寬之歲月悉爲蠲免庶一方可無後憂而三年或有成効伏乞

聖裁

十二日請復額糧以修軍政

臣惟三代以下兵農始分兵制不同用之惟一

國初眾建衛所部署官軍出則從征居則戍守法至善矣其後承平日久尺籍徒存軍兵不足賴而後有民兵民兵不足賴而後有募

兵制益分而軍費益廣矣查得

國初舊設福建馬步官軍四萬八千二百員名夫有軍則有糧有糧則有額要之以境內之賦養境內之兵非自外至者也邇來衛所消耗行伍空虛計其所存曾不能以半較之額數不知其所餘者凡幾何矣當事者綜覈盈虛裒益多寡或那易別用或轉運他方理固然也乃今欲以轉弱爲術而爲以安長治之謀則必查復額糧振飭武備

計莫出於此者何者醫之攻疾也急則治標緩則治本治標者烏附之類客兵是也治本者參朮之類籍兵是也誠能申明

舊章查復定額那移者照舊補足轉輸者照舊取回是四萬八千之軍需可不外索而自足由是而汰其老弱選其丁壯定其部曲時其訓練藉客兵旣張之威以作其氣舉客兵已試之法以定其趨俟三年有成由是而罷客兵調募之費減民兵供億之需因地

制賦因賦制兵真救時之長慮修武之善經也以上所陳訓練主兵查復額糧與前巡撫都御史劉燾先年建議因兵以求兵因糧以求糧大意相似自非需之以歲月不免同大於虛文故臣等徵兵請餉之議恒拳拳焉必期以三年之久庶幾爲萬全之策不然往事具在顛覆相尋臣等雖竭犬馬之愚亦無救地方之患伏乞

聖裁

剿平倭寇敍有功人員懇乞錄賞以勵人心疏據各兵備道呈報先後水陸官兵通計擒斬新舊倭賊二千二百五十名顆奪回印信十九顆救回男婦二千三百八十名口搶回夷器三千九百六十一件俱發運同劉汝順紀驗印信發興化府收貯給兵及分發府縣貯庫被虜男婦俱發知府易道談審放卽今省城以南倭賊盡絕地方底寧前項有功人員相應查敍伏乞具題以彰勸典等因備呈到臣伏照倭奴爲患業已

有年而郡社爲墟舊所未覩師老財竭未收全勝之功而遣將徵兵仰塵

九重之慮今乃眾方入境行未息肩而賊已覆巢亡不旋踵

華夏之氣以紆冠裳之耻盡雪卽其成功之速要非人力能爲蓋當其乘夜出海會有風雲之變賊卽受挫還巢而我之四面合攻猶如雲霧之興賊遂昏迷失守彼之去也若或尼之而我之成也如將助焉是皆仰仗

皇上玄德足以格

天而彼蒼所以悔禍故海隅蒼生咸歌誦乎

帝德而封疆臣庶敢妄貪乎

天功他如輔宰之憂先天下運籌于密勿之內本兵之念切惻痍決勝於萬里之外言官建議動中機宜司署受成畢舉羣策功皆第一臣何可言臣謹以有事地方之官各劾一臂之力者分別次第敬爲

皇上陳之在文臣則有如總督廣閩軍務都御史張

臬威望素隆先聲丕振折衝三省允爲元老之
壯猷制勝八閩聿樹無前之偉績膚功一奏人
望共推前任巡撫福建都御史今回籍聽勘游
震得秉心淵塞惟志忠誠慨二寇之猖狂而撫
剿並用念八閩之窮困而寢食俱忘舊賊甫平
共仰誠才之合興城失守豈由提督之疎志已
折而不回身雖危而益厲出其憂憤屢著忠猷
雖平海之捷未及躬逢而爭先之勞皆存成算
巡按福建監察御史李邦珍職在觀風心同濟
變覩時事之艱危而推納若已因會省之震動
而彈壓以身議兵議餉皆抗疏以

上陳而爲國爲民其自任之甚重蓋才堪濟世而義
在和衷紀察惟明成功攸賴南京戶部尙書鮑
道明兵部尙書李遂巡撫江西兵部侍郎胡松
巡撫淞江兵部侍郎趙炳然巡撫南贛兵部侍郎
陸穩巡按江西監察御史陳志巡按浙江監
察御史張科仰承

明命念切同舟轉餉發兵先赴公家之急分屯遣將

務紆隣國之憂我武維揚成功有自兵備副使
汪道昆才猷揮霍器度恢弘每憂時而發憤遂
被髮而撓冠當巨寇之成擒而倡議請兵早已
有待於今日知名將之間出而推誠相與迄以
共濟乎時艱念其幹蠱之勞精力俱竭卽此匪
躬之義神明可通誠文武之全才堪一方之重
寄以上諸臣功當首論內李邦珍破格任事竟
廓妖氛游震得無改初心終崇偉績汪道昆久
親戎馬茂著勛猷臣謂李邦珍汪道昆所宜超

格優異游震得謂宜不待勘明復其原職仍加
陞賞者也分巡興泉道福建布政司右叅議萬民英
素閑武畧夙著英聲推誠任人而衆心豫附監
軍給餉而士馬歡騰原任分守福寧道左叅政
翁時器孳孳爲義念念憂民初志存節省乃展
布之未能比身際顛危遂奮發以從事分督官
兵纔當二十之一而斬獲首虜亦幾二百之多
有志竟成遇變弗懈紀功益運司同知劉汝順
畏塗給餉不避艱難曠日露衣備嘗險阻士心

同戴民志允孚以上三臣功當並論內劉汝順
任怨任事有爲有守所宜從重敍用萬民英分
駐泉州連及住俸此則功非因人罪不在已謂
宜開其俸而論其功翁時器則莅任未久失事
亦重雖無桑土之謀實有擒斬之績此則或功
浮於罪或罪浮於功或功過相准非臣所敢議
擬也乃若左布政使曾于拱按察使萬衣副使
邵梗余曰德叅議黃肫僉事金澗會一經同當
禍變均效忠猷或公私之具竭而轉運惟艱或

寇盜之猖狂而防禦備至譬如逐鹿咸事張羅
又若南京兵部主事賀邦泰南京戶部主事陳
思忠閩關奉委匍匐餉軍如彼匱乏之時極賴
飛輓之助人皆畏避彼獨驅馳又若署福州府
運使何思讚建寧府知府王一鶚延平府知府
周賢宣漳州府知府桂嘉孝泉州府知府周道
光興化府知府易道談福寧州知州夏汝礪福
清縣知縣督應元閩縣知縣鮑宗沂侯官縣知
縣任春元都司斷事梁繼武福州府經歷王坊

歷涉多艱輸轉不乏南平縣縣丞王繼祖福清縣縣丞陳永倉官聞鑽隨軍給餉策馬監軍矢石紛紜生死弗避以上諸臣功當優賚內邵梗余曰德黃肫金澗皆誠與才合而事與願違與福建都指揮使徐高或因混同而住俸或以帶管而取尤今賊已伏誅亦宜開其俸而敘其績至於知縣督應元邑當萬衆之衝百責攸聚縣丞王繼祖陳永倉官聞鑽身任三軍之役一事無違尤宜錄用以酬其勞者也以武職言之有

如總兵戚繼光鞠躬盡瘁用兵如神馭衆而分數愈明處勝而機事益密批亢擣虛彼醜畏之如虎除寇雪耻斯民望之如雲全師奏凱兵不畱行一戰成功賊無噍類豈徒振古之驍將實爲當今之虎臣都督僉事劉顯沈鷺有謀精悍無敵以烏合之兵每用寡而擊衆負鷹揚之氣能轉弱以爲強位高而無愛惜俘獲獨多戍久而有權宜鬼神莫測時名知重士氣獲伸總兵俞大猷弘廓深遠渾厚老成論兵如王翦大而

非夸馭衆如字儀威而不猛城倭有議制勝於未戰之先堅壁如山破敵得萬全之策居然大將之體从矣丈人之貞以上諸臣功當首論故或謂賊破興城之後無劉顯扼之江口則必北突會省震驚無歐陽深扼之溪瀨則必南遼漳泉瓦解歐陽深既歿俞大猷不來則劉顯勢孤亦難久駐然非戚繼光節制之兵則摧陷廓清之績必不可成議者以爲確論臣請以是而定諸將之功焉至而中哨把總胡守仁王如龍趙

記王輔陳祿葉大正朱珏張元勳丁茂童子明孫延賢哨官俞志隆張買王寧伯錢助禮標兵把總陳其可蔣伯清楊文左哨把總郭成樂填右哨指揮魏宗瀚千戶楊弘舉舍人朱相俱各身先士卒手刃倭奴雖其功次有差均之驍雄足賴功當併論而中哨各官奮勇直立成功神速尤當優異者也兵部聽差指揮宋連唐安南京戶部委官提舉郁瑠兵部委官指揮靳文部押糧餉奔馳萬里水路撫民許朝光截賊海奔

獨當一面與領哨把總褚應宿陳倉千戶杜招
督軍指揮盧鼎臣百戶方伯武崔經吳經羅澄
武生傅應嘉千總張玘俱各親行伍而佐軍功
冒矢石而作士氣功當通論而方伯武傅應嘉
技藝閒習智勇兼資所當敘用者也戴罪叅將
畢高身披草莽志在棄榆雖不能効死守於連
城未破之時而亦能殊死戰於羣醜將亡之日
所當併議領江西援兵叅將梁成愚分布上郡
遙爲聲援迄之壽政之寇畏威歛戢旋就誅鋤
所當敘用者也此臣得諸目擊之真實無纖毫
之爽伏望

皇上勅下該部再加查議而果臣言有據所敘皆真
將戚繼光等破格

陞賞游震得早

賜叙用其他應優異者優異應

陞賞者陞賞開俸贖罪者開俸贖罪餘有功員役開
載未盡備存紀冊者一應查例施行至如臣者
以墨纒而從戎實因人以成事今服雖甫終而

心殊未盡宜援三年不計閏之例少伸一日愈於已之私伏乞

聖慈俯從臣請及照臣有書辨任相王應麒蓋嘗從臣於金草之間委身於行陣之後比之常役倍有憂勞仰冀

恩私均垂勸典如此則賞不至於踰時勞無微而不錄人心思奮士志益增無煩期月之間坐復東南之盛而倭寇不足平矣

官兵剿平流寇查叅功罪人員以彰勸懲疏

八月五日題

據各兵備道呈稱流寇悉除等因臣惟頑民梗化妖巫惑民固皆起於兵燹之傷殘迫於饑寒之無賴將帥之臣既不知兵守令之官復事玩寇萌芽不翦致用斧斤有自來矣卽茲賊首陳明光余珦十等本以龍巖漳平之編氓敢爲張璉廖選之羽翼旣漏網於鈇鉞復起釁於耰鋤此龍巖漳平縣官之養寇也當其初起之時衆

止數百及至出境之後尙分二宗乃屢報格殺
微功冀免大兵進剿致使賊兵進合黨與日增
流毒三縣衆幾盈萬此大田沙縣縣官之玩寇
也自非巡按御史李邦珍按行該府以駐彈壓
分守叅議黃肫調集錢糧圖爲接濟分巡僉事
曾一經親臨營壘監督進止延平府知府周賢
宣力持大征身親勒戰及非總兵都督劉顯統
督把總楊文蔣伯清陳其可樂墳等直入賊巢
分屯血戰則火燃泉達之勢駸駸未已而救焚
拯溺之費又不知當何如其爲力也今仰仗

玄威震疊

廊廟訂謨文武同心將士用命流寇山寇一旦掃
平四境寧謐以功言則巡按御史李邦珍本以
觀風之職每超格於提兵叅議黃肫僉事曾一
經會無一旅之師輒多方以濟變知府周賢宣
治兵轉餉勞苦功高決策運籌機且屢中總兵
都督劉顯用強弩之末勢當已成之賊鋒一戰
破巢單騎服虜把總楊文蔣伯清陳其可馘賊

首惡挫彼選鋒遂使烏合之衆膽落魄飛奔遯
之徒魚沉鳥散以上各官所當首敘者也撫建
叅將梁守愚指揮劉偉凌芝千戶馬桂武生鄧
子龍把總樂墳哨官劉招桂劉添慶古朝艾吳
鯨王茂龔仁巡檢孟汝均効驅馳之力共收斬
獲之功推官江南知縣康求德督餉多勞履險
不避以上各官所當次叙者也再照延平衛百
戶超環王焜尤溪縣知縣劉應龍大田縣主簿
盧敬典史孫熙楨南平縣典史何壇雖有勦剿

之功難掩失事之罪所當准贖者也以罪言延
平衛指揮某謬總鄉兵之任未聞一戰之功當
刻期而逗遛觀望每臨賊而退縮潛藏所當提
問者也龍巖縣知縣某漳平縣知縣某養虎噬
人縱民爲盜旣不能安輯於平日又不敢發覺
於臨時大田縣知縣某沙縣知縣某寇方入境
力實難支乃飾功以妄報畏備餉而阻兵以上
各官所當罰治者也內知縣魏文瑞因余珣十
旣敗而逃回遂能設計以擒獲功與罪等相應

在贖如蒙乞

勅該部再加查議如果臣言不謬將李邦珍超格擢

用劉顯黃肫周賢宣楊文蔣伯清等查例

陞賞梁守愚等

賞賚王某行巡按御史提問劉某等各罰治超環

等與魏文瑞俱准與贖罪如此庶有功競勸有

罪知懲而地方之太平有日矣



巴圖魯

12 4